

Դրա հետևանքն էր եւ այն, որ այդ ազգերը (գալլեր, բրիտաններ եւայլն) ոչ միայն չստեղծեցին իրենց ազգային դիրքը ու իւրացըրին քրիստոնէաստանում հոռոմայեցիները այրուբենը, այլ եւ ազգայնապէս ուժանալու, ձուլուելու վտանգին ենթարկուեցին: Նրանց ցեղերը ժողովրդական բանահիւսութիւնը եւս վրտանդուեց մեծապէս:

«Մինչեւ օրս էլ, բացառութեամբ սպանբէնի եւ իտալերէնի, Արեւմտեան Եւրոպայի բոլոր լեզուների վրայ ծանրանում է հոռոմէական (լատին) գրի անէծքը, ինչպէս նաեւ սեփական, իրենց մասնաշատուկ կարիքները բաւարարող գիր եւ ուղղագրութիւն չունենալու անէծքը», ասում է Մարքլարտ:

Ահա այդ՝ իսկապէս որ մեծագոյն անէծքից զերծ է մնացել հայ ժողովուրդը, որովհետեւ դարերի ընթացքում կարողացել է պահպանել իր ազգային դիմագիծը, դո՛ւ չէ գնացել Հոռոմի ամենակուլ ազդեցութեան: Ինչ աւարակոյս, որ սեփական գիր ու գրականութիւնն էլ իր կողմից է դարձել մեծագոյն ազդակը՝ ազգային ինքնուրոյնութեան պահպանման խնդրում:

Ըստ Մարքլարտի՝ հայ ժողովուրդը, ինչպէս նաեւ նրա արեւմտեան գրացիները՝ կապաղովկացիները, «ամենանուրբ լսողութիւն» են ունեցել՝ լեզուական հնչիւնները իրարից տարբերելու համար: Եւ եթէ յոյն եկեղեցու ազդեցութեան սահմանում գտնուած ժողովուրդների շարքում կապաղովկացիները միակ բացառութիւնն են կազմել, որ զուրկ են մնացել «սեփական դպրութիւն ունենալու բախտից», որովհետեւ նրանցում «դեռ հոռոմէական տիրապետութիւնից առաջ սկսուած է եղել հելլենացումը», որով եւ իրենց եկեղեցական հայրերը 4-րդ դարում Աթէնքում ուսած լինելով՝ արհամարհանքով են լեցուած եղել իրենց բնաշխարհի «գիւղական բարբարոս լեզուին» հանդէպ, հայ ժողովրդի հանճարը, ընդհակառակը, կարողացաւ ժամանակին ստեղծել նրա «նուրբ լսողութիւնը» եւ իր «բարբարոս լեզուն» կատարելապէս քաւարարող հարստատայրուբեն:

Բայց տեսէ՛ք, որ մեզնում դեռ այսօր էլ չեն պահուում յորդորներ՝ կամովին մեզ վրայ առնելու լատին գրերի լուծը եւ անէծքը. մի

անէծք, որ մինչեւ օրս էլ ծանրացած է Արեւմտեան Եւրոպայի գրեթէ բոլոր լեզուների վրայ»:

«Յետ-քրիստոնէական շրջանում «բարբարոս լեզուների» համար ստեղծուած այրուբենների շարքում», ասում է Մարքլարտ, «հայերէն գրերի գիւտը անպայման ամենից աւելի նշանակալիցն է»: Եւ դա ստեղծագործութիւնն էր հայ պատմութեան մեծագոյն հանճարների՝ Ս. Սահակի եւ Ս. Մեսրոպի, որոնց գործի մեծութեան առաջ նսեմանում են նման շատ ուրիշներ:

«Մի ժողովուրդ, — ասում է Մարքլարտ, — որ ծնել է այդպիսի գէճքեր, եւ որը գիտէ մեծարել նրանց՝ որպէս իր հերոսների, չի կարող երբեք կործանուել՝ հակառակ ամէն կարգի թուրք, քուրդ, թաթար, պարսիկ ժողովուրդների, ինչպէս նաեւ հակառակ բոլոր մեծ պետութիւնների — միասին առած» (էջ 7-8):

Անկարելի է լաւագոյն կերպով բնորոշել հայ գրերի եւ նրանց գտիչի դերը մեր բովանդակ անցեալի, ինչպէս եւ ներկայի ու ապագայի տեսակէտից:

«Հայերէն այրուբենի գիւտը երանելի Մաշթոցի ձեռքով, — շարունակում է անուանի հայագէտը, — այսպիսով ոչ միայն եկեղեցական պատմութեան տեսակէտից նշանակալից է... , այլ եւ մշակութային-պատմական տեսակէտից անսովոր նշանակութիւն ունեցող մի գործ. մի գործ, որով մինչ այն սեփական դպրութիւնից զուրկ հայ ժողովուրդի քրիստոնէական ազգային զգացումը կարողացաւ պահպանել իր ուրոյն դիմագիծը եւ չլուծուել օտար ազդեցութիւնների մէջ, ստեղծելով բազդատարար մի հարուստ դպրութիւն՝ մասնաւորապէս պատմական եւ աստուածաբանական բովանդակութեամբ: Եւ այդ՝ Հայաստանի քաղաքական ինքնուրոյնութեան կորուստից քիչ առաջ միայն»:

Հայոց գրերի գիւտը այդպիսով հանդիսանում է «համաշխարհային-պատմական տարուղութիւն» ներկայացնող մի երեւոյթ: Եւ այդ տեսակէտից «հեռուր կերպով իսկ բազդատութեան դրուել կարող չէ գոթական եպիսկոպոսի գիւտը՝ հայ վարդապետի գիւտի հետ»:

Հարկաւ, գրերի գիւտին զուգընթացաբար